



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-1-1311-1/12
Sarajevo, 13.02.2012. godine

SVIM BUDŽETSKIM KORISNICIMA

Predmet: Instrukcija za izradu dinamičkih planova budžetskih korisnika po Odluci o privremenom finansiranju institucija BiH za januar – mart 2012. godine

Na osnovu člana 11. Zakona o finansiranju institucija Bosne i Hercegovine («Službeni glasnik BiH» broj 61/04 i 49/09), Vijeće ministara Bosne i Hercegovine, na 170. sjednici održanoj 31.12.2011. godine, donijelo je Odluku o privremenom finansiranju Institucija BiH i međunarodnih obaveza BiH za period januar – mart 2012. godine.

U skladu s navedenom Odlukom, kao i na osnovu zaključaka Zajedničkog kolegija oba doma Parlamentarne skupštine BiH od 30.01.2012. godine i zaključka Vijeća ministara BiH broj 05-07-1-366-1/12 sa 1. sjednice održane 13.02.2012. godine, a u cilju održavanja budžetske ravnoteže, svi su budžetski korisnici dužni Ministarstvu finansija i trezora BiH **najkasnije do 17.02.2012. godine** podnijeti prijedloge operativnih budžeta za januar, februar i mart 2012. godine za tekuće izdatke (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za prvi kvartal 2012. godine ne može biti veći od 1/4 sredstava usvojenih u Zakonu o budžetu institucija BiH i međunarodnih obaveza BiH za 2011. godinu, koji se odnosi na nivo ostvarenja za 2011. godinu. **Obavezuju se korisnici da rasporede rashode po prioritetima izvršenja, s tim da će Ministarstvo finansija i trezora BiH, s obzirom na ograničenost priliva prihoda, izvršiti raspored rashoda u skladu s prioritetima izvršenja definisanim u članu 18. Zakona o finansiranju institucija BiH („Službeni glasnik BiH“ broj 61/04 i 49/09).**

Nakon objave usvojenog Zakona o budžetu institucija BiH i međunarodnih obaveza BiH za 2011. godinu u „Službenom glasniku BiH“, ukoliko bude potrebno, budžetski će korisnici svoje operativne planove usaglasiti s istim.

Budžetski korisnici ne mogu započinjati nove ili proširene programe i aktivnosti dok se ne odobre u Budžetu institucija BiH za 2012. godinu. Također, budžetski korisnici ne mogu započinjati nove procedure zapošljavanja državnih službenika i namještenika do usvajanja Budžeta institucija BiH za 2012. godinu.

Dinamičke planove (tabele) popuniti u skladu s „Instrukcijom o načinu izrade operativnih planova za izvršenje Budžeta institucija BiH za 2010. godinu i o načinu praćenja programa posebnih namjena“ (www.mft.gov.ba).

Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva u toku 2012. godine. Za namjenska sredstva višegodišnjih projekata, donacija, udruženih sredstava i drugih namjenskih sredstava, koji su započeti u prethodnim godinama i nastaviti će se realizirati u 2012. godini, na osnovu zahtjeva korisnika za prenos, vršiti će se alokacija istih u 2012. godinu. Programi posebnih namjena finansirani iz namjenskih sredstava i nerealizirana sredstva na ime višegodišnjih kapitalnih projekata davati će se na raspolaganje u skladu s odredbama usvojenog Zakona o budžetu institucija BiH i međunarodnih obaveza BiH za 2011. godinu.

Izvršenje Budžeta institucija BiH u dijelu rashoda operativno će se usklađivati s dinamikom ostvarenja prihoda predviđenih Budžetom.

S poštovanjem,

PRILOG:
Tabele 1 – 4

MINISTAR

dr. Nikola Špirić, s.r.